

sem söltuð er með 22 kg. salts eða minna í 120 lítra tunnu, eða tilsvarendi í 40 minna ílát. 31. júlí

2. gr.

Ríkisstjórninni er heimilt að skipa nefnd til að hafa á hendi nánari framkvæmd laga þessara, eftir því sem ákveðið kann að verða í reglugerð.

3. gr.

Brot gegn ákvæðum, sem sett verða samkvæmt lögum þessum eða gegn ákvæðum reglugerðar, sem sett kann að verða samkvæmt lögnum, varða sektum allt að 25 krónum fyrir hverja heila tunnu léttverkaðrar saltsíldar, sem út er flutt eða seld úr landi án heimildar.

Með brot gegn lögum þessum eða reglugerð samkvæmt þeim skal fara sem almenn lögreglumál.

4. gr.

Lög þessi öðlast þegar gildi.

Eftir þessu eiga allir hlutaðeigendur sér að hegða.

Gjört á Marselisborg, 31. júlí 1934.

Undir Vor konunglega hönd og innsigli.

Christian R.
(L. S.)

Haraldur Guðmundsson.

AUGLÝSING

41

um breyting og viðauka, um stundarsakir, á allrahæstum úrskurði 29. desbr. 1924 um skipun og skipting starfa ráðherra o. fl. 7. ágúst

Samkvæmt þegnlegum tillögum forsætisráðherra hefir Hans hátign konunginum 4. þ. m. allramildilegast þóknast að fyrirskipa nokkrar breytingar og viðauka á allrahæstum úrskurði 29. desember 1924 um skipun og skipting starfa ráðherra o. fl. á meðan að þeir eru ráðherrar alþingismennirnir Hermann Jónsson, Eysteinn Jónsson og Haraldur Guðmundsson.

Starfsskiptingin breytist þannig:

Utanríkismál, sem samkvæmt konungsúrskurðinum heyra undir forsætisráðherra, skulu heyra undir atvinnu- og samgöngumálaráðherra Harald Guðmundsson, og enn fremur, af þeim málum, sem samkvæmt nefndum úrskurði heyra undir dóms- og kirkjumálaráðherra, skulu heilbrigðismál og kennslumál, þar

41 undir skólar og söfn, útvarp, viðtækjaverzlun og ríkisprentsmiðja heyra undir
7. ágúst sama ráðherra.

Af þeim málum, sem samkvæmt konungsúrskurðinum heyra undir atvinnu- og samgöngumálaráðherra, skulu hins vegar landbúnaðarmál, þar undir löggjöf um afurðasölu landbúnaðarins innanlands, vegamál og þjóðjarðir heyra undir forsætisráðherra Hermann Jónasson, sem jafnframt er dóms- og kirkjumálaráðherra.

Áfengisverzlun ríkisins, sem heyrir hefir undir dóms- og kirkjumálaráðuneytið, skal nú heyra undir Eysteinn Jónsson, fjármálaráðherra.

Þetta er hérmeð gert almenningi kunnugt.

Forsætisráðherrann, Reykjavík, 7. ágúst 1934.

Hermann Jónasson.

42

BRÁÐABIRGÐALÖG

9. ágúst

um ráðstafanir til þess að greiða fyrir viðskiptum með sláturfjárafurðir og ákveða verðlag á þeim.

Vér Christian hinn Tíundi, af guðs náð konungur Íslands og Danmerkur, Vinda og Gauta, hertogi í Slésvík, Holtsetalandi, Stórmæri, Péttmerski, Láenborg og Aldinborg,

Gjörum kunnugt: Landbúnaðarráðherra Vor hefir þegnlega borið upp fyrir Oss að óhjákvæmilegt sé að setja þegar í stað ákvæði til þess að greiða fyrir viðskiptum með sláturfjárafurðir innanlands og koma á viðskiptin betra skipulagi en hingað til hefir verið, svo og til þess að ákveða og jafna verðlag á kjöti framleiðendum til hagsbóta, en verð það sem framleiðendur hafa hingað til fengið hefir verið mjög mismunandi í landinu, og ekki sízt hefir mismunur oft verið mjög mikill á verði þess kjöts, sem selt hefir verið innanlands og þess sem selt hefir verið úr landi. Þar sem svo stendur á, sem að framan segir, teljum Vér brýna nauðsyn bera til að setja bráðabirgðalög samkvæmt 23. gr. stjórnarskrárinnar um þetta efni.

Fyrir því bjóðum Vér og skipum:

1. gr.

Til þess að greiða fyrir innanlandsverzlun með sláturfjárafurðir skipar ríkisstjórnin 5 manna kjötverðlagsnefnd til eins árs. Samband íslenzkra samvinnufélaga tilnefni einn mann, Sláturfélag Suðurlands og Kaupfélag Borgfirðinga tilnefna í sameiningu einn, Landssamband iðnaðarmanna einn, Alþýðusamband Íslands einn og landbúnaðarráðherra einn mann í nefndina, sem jafnframt er formaður hennar.